

靈寶領教濟度金書卷之六十二

靈寶領教濟度金書卷之六十三同卷十四

洞微高士開光救苦真人竊金真授

靈寶通玄弘教水南先生林靈真編

科儀立成品淨供合用

大獻自然朝儀

步虛

入戶

燒香頌

各禮師存念如法

宣衛靈呪

五靈列位 煥鎮五方

始皇護魂 丹老衛形

皓靈侍魄 黑帝構生

中央黃帝 統禦萬真

元皇誥下 幽夜開光

罪消北府 名列南昌

金籙定籍 玉宇除殃

朱陵鍊質 飛神太蒼

三官九府 无極神鄉

普受開度 上生天堂

與道合真

鳴法鼓二十四通

无上三天玄元始三炁太上道君召出臣身

中三五功曹左右官使者侍香金童傳言玉

女五帝直符直日香官各三十二人出出者

嚴裝闕啓玄壇天帝神君當召此間土地里

域真官正神急上關啓且奉為入意以今

陞壇行道願得

玉清道氣靈寶妙光下降流入臣等身中即

使玄壇清淨內外成真天无氛穢地絕扶塵

琳琅振響十方肅清萬魔不干真誠上徹令

臣所啓之誠速達徑御

太上无極大道至真玉皇上帝 御前

請稱法位

具位且其今故燒香願以是功德奉為十方

三界六道四生萬類窮魂三途滯爽飛潛動

植一切眾生皈身皈神皈命

十方无上至真靈寶自然大道乞

原赦前生今世生死宿罪重過得免離三惡

之道五苦八難九厄之中且等身得道真飛

行虛空白日升天侍衛道君道遠

无上七寶自然宮殿永與道合所啓玄感應

聲上御

至真无極道前

禮方

志心皈命禮 北方无極太上靈寶天尊

志心皈命禮 東方无極太上靈寶天尊

志心皈命禮 南方无極太上靈寶天尊

志心皈命禮 西方无極太上靈寶天尊

志心皈命禮 東北方无極太上靈寶天尊

志心皈命禮 東南方无極太上靈寶天尊

志心皈命禮 西南方无極太上靈寶天尊

志心皈命禮 西北方无極太上靈寶天尊

志心皈命禮 上方无極太上靈寶天尊

志心皈命禮 下方无極太上靈寶天尊

法師長跪宣坐懺

且法衆等志心皈身皈神皈命

十方无極大道太上靈寶天尊懺悔普天率

土中國外夷六趣冥靈三途滯爽胎卵濕化

鱗甲羽毛鱗息跂行蚺翹蠢動无邊无極一

切衆生及且法衆等自從无始以來至于今

日或犯三業大罪積若丘山十惡深懲益猶

巨海重乞滂除皆願宿債疏濬舊冤披散咸

得解脫水離輪迴升入无為克辭有漏且等

身入至仙會道合真神合真寂洞入自然性

命合道玄會无為志心稽首禮謝

无上至真三寶

三啓頌

樂法以為妻 愛經如珠玉 持戒制六情

念道遺所欲 淡泊正氣停 蕭然神靜默

天魔並敬護 世世享大福

又

鬱鬱家園盛 濟濟經道典 天人同其願

縹緲入大乘 因心立福田 靡靡法輪升

七祖生天堂 我身白日騰

又 大道洞玄虛 有念无不契 鍊質入仙真

逐成金剛體 超度三界難 地獄五苦解

悉歸太上經 靜念稽首禮

三禮

且等志心稽首禮

太上无極大道

且等志心稽首禮

三十六部尊經

且等志心稽首禮

玄中大法師

重稱法位

具位且某與臨壇官衆等謹同誠上啓

太上无極大道元始天尊太上道君太上老

君无上玄老十方已得道大聖衆至真諸君

丈人三十六部尊經玄中大法師天師君上

相上宰四司五帝三界官屬一切真靈且聞

元始垂科提群靈於苦海虛皇出教躋萬品

於迷途九清涵德雨之華三洞布祥煙之陰

金籙白簡乘宸而幽壑无明玉墮丹章扣夜

而寒庭靡朗上極无上高拱彌高生容資

於乾坤化化潛資於經緯帝張慧日開光龍

漢之初師樹宗風濟度鶴鳴之後人天咸仰

今古攸遵且等職忝玄階身依洪化丹青證

誓期宣德以承符金石徽盟庶憲天而宏道

况奉詞旨敢不上聞齋意齋主昇夙陶靈澤

幸際昌辰親玄運之流行喜亦書之煥爛延

開大獻徽千真回施之恩誠罄小心冀萬類

普沾之惠超祖宗之億劫和寬累於十生集

福家庭流祥春序星壇顯設徽三極之靈光

霞笈敷揚召十華之梵炁九鳳來翔而門開

甘露六龍普變而厨啓飛雲東華摧黑鬱之

幽南上啓朱陵之耀普提有識共證無爲尚
 慮六道四生三途五苦業機自織終天輪轉
 以無停罪網高張極地循環而莫已非賴提
 樞之賜曷彰解脫之期欲望皇極垂慈蒼穹
 錫宥降丹綸而赦過落滅惡根煥紫綵以除
 愆疏澄善性削塵非於異薄蕩妄垢於玄曹
 身近天階有侍衛送迎之喜神離幽禁无拘
 留逼合之憂享六合之瓊羞沐三晨之靈景
 逍遙碧落常臻福慶之期遊宴清虛永際太
 平之運神形俱妙衣食自然遂商主懇切之
 誠副大道慈悲之願所有真符謹當告下

告符

飛空步虛頌

關發

十二願

- 一願乾坤明素
- 二願氣象清玄
- 三願聖人萬壽
- 四願化洽八埏
- 五願天垂甘露
- 六願地發祥煙
- 七願四時應候
- 八願萬物生全
- 九願家多孝悌
- 十願國富才賢

十二願齋功廣被
 存神復爐
 十三願善瑞日臻

香官使者左右龍虎君侍香諸靈官當令
 建齋之所自然生金液丹碧芝英百靈眾真
 交會在此香火爐前今日學道得道求仙得
 仙齋主受福幽顯沾恩十方仙童玉女侍衛
 蘭煙傳日向來所啓之誠速達徑御
 太上无極大道至真玉皇上帝 御前

迴轉頌

靈寶領教濟度金書卷之六十三

靈寶領教濟度金書卷之六十四

洞微高士開光救苦真人寶金真授
 靈寶通玄弘教水南先生林靈真編
 科儀立成品
 大獻告札儀

靜默堂序立

華夏頌引至壇前

步虛 長跪上香

具位且其誠惶誠恐稽首頓首再拜上言
 聞九清布化群靈咸遂於生成三洞流光萬
 象均依於化育况顛冥於業網尤矜軫於淵
 衷敢扣紫霄爰據丹悃今有齋主某乞就
 處修設玉山淨供遵依大獻靈文普資幽沉
 均超輪轉巨職惟領教理合陳情切慮九趣
 三途四生萬類悽慘慘化機鼓動於泉關
 縮縮寥寥報障循環於冥路非賴帝恩之曲
 映局令鬼爽之高躋頃奏朱章擬特頒於玉
 札諒飛丹詔爲布告於玄曹茲召役之有期
 冀感通之無外欲望慈雲覆履慧日流明許
 微且如律以宣行勅有司關盟而遵奉下開